

時當自發弘誓願悉同賢護大士菩薩摩訶薩修此如幻三昧聖性觀門當來同救一切衆生盡皆成佛是時釋迦牟尼世尊及諸佛如來共一切賢聖諸大菩薩摩訶薩衆同聲讚歎賢護菩薩善哉善哉能以真實無漏慧智說演諸佛如來金剛聖性殊特微妙甚深如幻三昧觀者大衆齊聲唱言

賢護菩薩不可說盡不可思議善能演說如來一切祕密教故是時舍衛國大會諸衆巧菩薩一切聲聞一切諸天一切四部弟子善男子善女人一切龍神八部一切鬼神等同聲稱讚歎未曾有感皆悟解歡喜無盡信受奉行

又四

大乘瑜伽金剛性海曼殊室利千臂千鉢大教王經卷第四

大乘瑜伽金剛性海曼殊室利千臂千鉢大教王經卷第五
大興善寺三藏沙門大廣智不空奉 詔譯
二者後演一切賢聖入法見道顯教修持第四品

是時釋迦牟尼如來在舍衛國中祇園精舍

大道場大會衆中有百億菩薩摩訶薩衆五

萬億聲聞緣覺衆八萬億比丘比丘尼沙彌式叉四部弟子衆五萬億龍神八部衆八千億鬼神夜叉衆世主四天王及諸轉輪聖王有七萬億衆八千億天帝六欲諸天衆九萬億大梵天王諸天衆四萬億人王世主小王衆三萬億善男子善女人衆尔時釋迦牟尼

世尊在大會中踞師子座坐百寶蓮華臺入金剛三摩地放金色三昧光普照一切大千法界他方諸佛國土微塵數佛刹靡不周徧是時他方淨土諸佛世界諸大菩薩同時盡見金色大光明見斯光已驚覺身心而來集會向娑婆世界大道場會爲作證明諸大菩

薩摩訶薩有百千萬億衆其時菩薩衆會之中有一菩薩名曰普眼稽首頂禮釋迦牟尼如來足而白佛言普賢菩薩今何所在世尊報言普眼普賢菩薩今見在此道場衆會親近我住在吾左邊初無動移是時普眼及諸菩薩復更觀察道場衆會周徧求覓不可得

見普眼菩薩而白佛言世尊等我等今者猶未能見普賢菩薩其身及於座處佛言如是普眼善男子汝等何故而不得見耶世尊語普眼曰普賢菩薩住於法性之身甚深微妙不可說見是故普賢菩薩獲無邊智慧金剛性身普賢菩薩在於師子奮迅之定住首楞嚴

三昧得無上菩提神通自在同於如來法身清淨證得無礙實際普賢菩薩得住如來十種聖性聖力以得智藏法界爲身一切諸佛如來共所護念爾時普賢菩薩對如來前則現聖性自在神力於一念頃悉能證入微塵佛刹三千大千世界三世諸佛無礙無別智身法身同體一性是故佛言語普眼汝等諸衆不能見尔是時普眼菩薩聞如來說普賢菩薩甚深聖智微妙清淨功德之身普眼菩薩便則對如來前證入十千阿僧祇三昧以三昧力復更徧照觀察渴仰不已欲得願見普賢菩薩普眼乃更重觀亦不能覩其餘一

卷五

二

切諸菩薩大眾等俱亦不能得見普賢身形相好是故普眼菩薩從三昧起向如來前白佛言世尊我已入十千阿僧祇三昧求欲願見普賢菩薩而復畢竟不可得見其身相好普賢之行及是身業語業意業坐立行住悉皆求覩都無所見佛言如是如是佛語普眼菩薩譬如幻中種種幻相所幻住處尚不可得見何况普賢菩薩祕密身相體同虛空身亦祕密語亦祕密意亦祕密當知普賢聖力自在不可思議而於法界能入能出能見能現能隱能沒何以故普賢菩薩境界甚深不可比度難思難測惟佛能知無有量已過量舉要言之普賢菩薩以金剛慧三昧普入聖性同一切法性法界於一切世界無所依止普賢知一切衆生身心皆空無去無來性同普賢無有差別無依無作性無動轉至於法界到究竟處譬如虛空虛空之性不可得見普賢身心亦復如是爾時世尊於大眾中告

普賢菩薩摩訶薩汝乃於過去世來久遠值遇諸佛如來微塵數微塵數阿僧祇劫等如虛空供養無數如來菩薩說不可盡是故如來問於普賢汝當應知往昔已前過於無量佛刹世界空劫之中汝曾見聞毗盧遮那如來出世之時遇佛聞法佛說金剛祕密甚深

义五

三

法藏是誰爲首與諸佛如來諸大菩薩緣覺聲聞四部等衆及此會中大菩薩摩訶薩者先世已來是誰爲師作於導首令發菩提之心引化成佛普賢菩薩聞如來語承世尊言即從座起向佛作禮右膝著地合掌恭敬而白佛言世尊我曾往昔過去世時久遠已前

未有佛時有舅殊室利大士菩薩出世教化無量微塵數說不可盡一切衆生令發菩提之心修金剛三密三摩地盡當成佛又更余時舅殊室利其時便於大會衆中當自發誓廣弘大願願我心等虛空徧同法界如太空中法界無盡我則當自盡其志力廣度蒼生

無有休歇舅殊室利大士菩薩則向大衆之中發大音聲告言諸仁者誰能與我同願同行能承我願與繼子紹繼我法我則爲說大乘瑜珈金剛祕密聖性三摩地成等正覺無上菩提廣大因緣令行菩薩道接引有情更相運度得成佛果忽然登時從此衆中出五大仁者大丈夫來向佛前頭面禮敬世尊足已則當其時發大聲言我能依此舅殊室利菩薩能發大願大行廣度衆生心同虛空亦無休歇則當是時舅殊室利菩薩告言大士善男子汝等五仁大丈夫能共吾發行同願心等虛空法界無盡能發廣弘大願之行救度一切有情衆生得成正覺者汝即真是吾子吾即與汝五仁之者同其心故廣度蒼生盡未來際五仁大丈夫答言我等五仁總同舅殊願故舅殊室利則爲與五仁者大丈夫安立名字故是時五大仁者依此名號趣入菩提云何名爲五仁者大丈夫安立名號

一者名曰毗盧遮那 二者名曰阿閦 三者名曰寶生 四者名曰觀自在王 五者名曰不空成就 是故五仁者大丈夫立其名號故已其時五仁者便配五方各住一處金剛性海三摩地世界導引有情教化蒼生是故如此又五仁者重啓彌殊室利菩薩告

文五

四

言大士仁者與我說一切諸法及說我心有真如根本清淨自性二種法者爲有爲無大士仁者彌殊室利答言亦有亦無云何二法亦有亦無則是第一亦有者復有二種之義云何爲二種之義一者我執二者法執執法執我者我執法執二義即於我法之中而能

有障有礙則能於有情性偏計所執及一切勸則是慧性不能明徹自在用故二者無我執無法執二義若菩薩不執我法二義則於我法之中通達無礙即無偏計所執性則得慧性明徹自在用故第二亦無者復有二種之義云何爲二一者心真如二者心有根本

自性清淨云何一者心真如爲執真如作有爲相即自執著我性根本自性垢故不得清淨於一切處 有障有礙則生煩惱貪瞋癡故任運繫縛處處生滅我性苦故云何二者心有根本自性清淨爲自性本來寂靜無障無礙則真如無爲徧一切處與根本自性

文五

五

說我身之中心性及與大士菩薩彌殊室利并與一切衆生心性妙智等同一性不大士菩薩彌殊室利答言吾與汝五仁者及一切衆生心性等同一體無有別異淨如瑠璃內外明徹無有增減悉同清淨是故善男子汝當諦信吾今與汝五仁者重再實說是故汝

等心性智慧及一切衆生與吾無異又大士
是殊室利言語五仁者佛說我心無主身亦
無我名曰摩訶金剛般若波羅蜜多爲身心
性具足一切法亦等同於如來智身法身何
以故身如性相同體無別常住首楞嚴三昧
性三摩地性淨清徹是故如來說善男子亦
復如是如汝五仁大丈夫便立其名號者則
得隨名解脫於意云何一者大丈夫名曰
毗盧遮那身心清淨性智菩提得圓滿是
二者大丈夫名曰阿闍身心無動性亦無相
大圓鏡智菩提圓通是三者大丈夫名曰
寶生身心平等性智菩提一靜一性是四
者大丈夫名曰觀自在王身心清淨妙觀察
智聖慧通達金剛菩提是五者大丈夫名
曰不空成就身心智量性等虛空形同法界
聖性聖慧成所作智自在神通悉地成就一
切菩提解脫是

時是殊重啓如來言諸大菩薩摩訶薩身心
聖智性同一體亦同聲聞緣覺四部衆等身
心淨智性同一體亦同龍神八部及一切衆生
淨智性同一體亦同諸天大梵王等身心
等身心淨智性同一體智慧清淨無有別異
猶如水精內外明曉更無有異本來清淨自
性真如寂靜無爲以無所得是故釋迦如來
告大士是殊室利言善說善解諸佛金剛三
摩地法故善哉善哉汝今則是吉祥大丈夫
成就一切衆生無上菩提及一切諸佛菩薩
亦證得阿耨多羅三藐三菩提者是時諸大
衆等告是殊室利言由習何教學何法義大

士曇殊室利稽首如來言我今常修習大乘瑜伽大教三密三十支祕密金剛三摩地觀及一切諸佛菩薩摩訶薩亦同此教修學成就證得阿耨多羅三藐三菩提大士曇殊室利言若有一切菩薩摩訶薩四部衆等及善男子善女人等於後末世像法之中得遇此

瑜伽大教三密門祕密三摩地法者其人福德不可稱量不可稱計算數譬喻所不能及是人乃於過去世無量佛所種諸善根得遇此教速證無上菩提云何是人得遇此法瑜伽祕密三摩地教大士曇殊室利言於後末世若有菩薩及四部衆等諸善男子善女人

能除去我相人相衆生相壽者相於世能忠孝下心則得遇此瑜伽金剛祕密三摩地法教如此人者則能棄捨身命爲求菩提是人先世罪業當爲消滅漸漸修學當得成佛云何衆生不得值遇不得見佛不聞正法若有世間愚癡衆生或有諸罪宿業障深或曾

戊五

七

往昔過去世來廣造十惡五逆或曾謗佛或曾謗法或曾謗僧如此衆生則有三種重障則不得遇此諸佛正法三摩地教何者名爲三種重障第一重障者我慢貢高邪見執蔽不能下心賓事一切諸佛菩薩師僧父母學妙深法第二重障者妬賢嫉能自是非

他說人長短恃勢貪瞋好求名利不勤懈怠亦不能學得如來正法第三重障者多貪多欲懶惰睡眠昏沉掉舉破戒者多不勤精進如此之人則不識因果不敬師長亦不見良善不護業道是故麤惡之人生生世世難值正法對面不遇大善知識廣造惡業死墮阿毗及諸地獄如此之人則不得遇此三密正法瑜伽祕密三摩地法教

尔時大會之中有大菩薩摩訶薩衆有大聲聞衆有大諸天衆有大龍神衆有大鬼神衆及諸四部衆善男子善女人等同共啓請如來而白佛言我等衆會復更請如來重說大

士曇殊室利往昔修行大乘深法金剛三密三摩地法教神通自在聖德諸力未曾得聞未曾得見我等衆會亦隨大士曇殊室利廣發大願志學大乘瑜伽祕密三密法教是故大眾一時同請世尊如來爲我衆等說曇殊深妙德行聖性殊特其時釋迦牟尼如來在

舍衛國精舍大會之中如來則爲大衆入於金剛三昧從三昧起說如來一世三時法教顯出大士曇殊室利往昔修行三密菩提殊勝聖力神通自在則於是時釋迦牟尼如來告於大衆言吾當爲汝分別廣說如來一世之教三時之法然始得見曇殊室利聖

德聖力作大神通證明此教導引群品悉令歸趣修入大乘瑜伽大教三十支三密金剛三摩地祕密聖性觀是時釋迦牟尼如來即於當世之時說三時之教是故第一時中說有教聲聞律儀初有小乘度五俱輪及一切衆生四聖成就四果人等第二時中如來說

一切菩薩摩訶薩聲聞緣覺四部等衆及諸天龍鬼神夜叉衆善男子善女人等悉令迴向大乘修入瑜伽大教三菩提三摩地聖性觀令得速達本源真如自性本性涅槃無上正等菩提故其時大會菩薩摩訶薩及一切聲聞衆自恣集會解夏時至余時如來告大

士曇殊室利菩薩言汝於前三月夏安居自恣往請時日龍宮教化往去不來自恣解夏時節將到曇殊不來迦葉心念若後到時不赴法事自恣解夏則當擯出諸大眾迦葉等咸有疑網時至不來大迦葉等心懷作念曇殊觸身不合入衆若後到來必當擯出大迦

X五

九

葉等即白佛言法事時至如來語大迦葉若時將至則當作自恣行於法事維那即於衆中當擊捷椎椎聲絕已大士曇殊當共椎聲一時齊到所以不闢僧集自恣解夏法事亦斷聲聞衆疑自恣成就是時釋迦牟尼如來見此會中法事將畢其時如來以聖意潛加神力告示令大士曇殊密意聖受曇殊室利知世尊聖意則於自恣衆會之中當現神通聖德之力應時出現丈六紫磨金色之身坐於法界金剛性海百寶蓮臺之座其曇殊身上著於百寶種種瓔珞妙寶天衣頂背圓光頂有五髻頭上有七寶佛冠項戴五佛如來

菩薩身上現其大印手二百二十二有千臂千手手中各持吠琉璃鉢鉢中各各有一化佛千釋迦同時出現余時釋迦牟尼如來則告之言大迦葉汝應當觀大士曇殊室利菩薩手中吠琉璃鉢內諦看有何等相大迦葉則從坐而起便於世尊前頭面作禮而去大迦葉則於曇殊室利前頭面禮敬訖便於鉢內觀看及見鉢中有百億三千大千世界百億無色界百億色界百億六欲界有百億須彌山四百億四天下百億南閻浮提百億娑訶世界百億釋迦如來百億千臂千鉢曇殊室利菩薩百億迦葉在曇殊鉢內有百億世

界世界中有百億大迦葉各各向曇殊前請問大乘法義復有百億五頂山金色淨土其中亦見百億曇殊室利有百萬億菩薩衆當自圍繞時乃出現放大光明化度蒼生救攝一切亦乃見百億大迦葉徒衆有大疑網向大聖曇殊室利菩薩邊求哀悔過迦葉徒衆

發言我等小乘之人小智小量當有疑網願
罪消滅當時大迦葉及聲聞等便於如來前
及大士曼殊室利菩薩前登時發誓廣弘大
願一依大士曼殊室利菩薩教旨迴向大乘
志學瑜伽三密法門三摩地聖性之觀大迦
葉衆等余時則於如來前頭面著地頂禮如

义五

十

來足復願世尊納受我意與我等小乘之人
願與發露懺悔疑過大乘授記則於衆會之
中其時釋迦如來則與大迦葉衆等懺悔授
記令發大乘迦葉等其時發願後已如來告
言汝於來世遇值無量無數諸佛如來漸次
修學瑜伽三密金剛菩提聖性解脫當成佛

果得阿耨多羅三藐三菩提故是時一切菩
薩聲聞四部及諸大衆總皆覩見大士曼殊
神力自在聖性無礙斷迦葉等一切大疑當
學大乘令速超佛地是故迦葉衆等同發大
願復願我等世世值遇諸佛世尊修行大乘
瑜伽三密漸漸習學當得成佛無上正等阿

禪菩提則是時釋迦如來為大迦葉聲聞徒
衆說修大乘十種無犯解脫性戒超出三有
聖力自在欲界無定不染欲界在上二界不
住四禪亦不依四空修此如來祕密三摩地
者在三有界及闍浮提是故菩薩修學之地
能持梵行若學金剛秘密三摩地者則得迅

疾玄通佛心超出三世於三摩地下染欲界
不住四禪不證四空是名不著三有名為出
世是故大迦葉聲聞諸衆同共稽首釋迦如
來唯願世尊今為我等說大乘三密不犯十
重如來持戒教法我等聲聞盡皆迴向修入
大乘瑜伽三密金剛菩提如來祕教是時世

义五

十一

等則為大迦葉衆演說不犯十重大戒汝當
諦聽諦聽吾今為汝分別解說佛告迦葉及
小乘之人持於聲聞大戒之者若犯律儀十
重過罪一一從身口意業而生其罪於有相
之中事上犯失為不見心心性寂滅自性性
淨所以見相執持事上漏失是名小乘犯重

過失執法生罪見取分別染著心想不能捨離是故不應生天墮於地獄是名小乘事法漏失毗尼律藏如是大乘菩薩持於十重大戒法者則是不然如菩薩持戒常於大乘心行慈悲喜捨救護一切有情照見心性寂然不起澄心見性畢竟清淨則名真性無染無

著不取不捨是故名爲大乘十重菩薩大戒亦復如是其時大迦葉聲聞衆等見如來說大乘十重大戒之法心生愧仰迴向大乘唯願如來指授名目我等徒衆深生信受當自奉持何者名爲大乘十重清淨禁戒得名不犯不破犯戒真性寂靜於十重性中云何大

乘能犯不犯 一者如來一切心法如性本來清淨畢竟寂滅菩薩若於大乘性中能持十重戒者覺心真淨了見心性無染無著是故菩薩能持十重戒者是則名爲不壞毗尼 一者如來一切心法我障自性畢竟不可得本來無染菩薩持重戒者戒性如虛

空不見心性了然寂靜菩薩持重戒時證見心體我性空無是故名爲出過一切諸有相體是則名爲無過毗尼 三者如來一切心法煩惱妄想本來清淨菩薩持重戒者於淨識性實無所得於實無所得之心菩薩持戒不見於相不見顛倒不見菩提不見實性名

爲最勝實性毗尼 四者如來一切心法如如實際於實際中不見持戒不見破戒菩薩持重戒者是則應示當觀心地見實際性心性瑩淨不見戒性亦無持戒雜染諸見是故名爲心性清淨通達聖性真如毗尼 五者如來一切心法菩提聖性無來無去故名如

丈五

十三

來菩薩應當持重戒者得見如來真實心性真實性者等如法界無來無去無爲之相菩薩能持如來淨戒者見佛心性等於虛空無有別異是故名爲如來法身菩提聖性真實得名不思議毗尼 六者如來一切心性淨法本來無住本來無處本來無著菩薩持重

戒者於無住之中不見有犯十重之性菩薩持此戒時於無著心性廓周法界編於一切如淨琉璃內外明徹則是名爲無自性性淨毗尼。七者如來一切心法等如空際離諸相故菩薩能持重戒者於心空際不見能有破戒之相於性戒中證得法眼性淨是則名

爲淨諸六識法眼毗尼。八者如來一切心法法本不生今則無滅菩薩能持重戒之時於無生性照見持戒心心聖性體寂清淨不生不滅則證佛地速當成就無上菩提是則名爲三世平等毗尼。九者如來一切心法則是諸佛真如實智不見有相一切諸法何

以故衆生心性本是真如於真如性中若見持戒是名有相菩薩不能解脫若能不見持戒不執不著一切諸相是則名爲無染解脫清淨毗尼。十者如來一切心法畢竟無相離於心想清淨無障菩薩能持十重戒者於戒淨性不見有戒不見無戒得名證離小乘

執縛一切戒相是則名爲究竟毗尼是故一切諸佛如來一切菩薩由依止此大乘毗尼持此十種聖性無相十重大戒畢竟清淨離一切相得阿耨多羅三藐三菩提故則是時大迦葉復爲大衆聲聞四果及諸天龍八部鬼神四部弟子善男子善女人對於大會再與大衆復請釋迦牟尼如來爲諸徒衆重開演說往昔大士毘盧舍利菩薩因何劫中因何世時而得遇值諸佛出尊開演此教三密法門三十支三摩地觀大教王經是時大迦葉等徒衆而白佛言唯願世尊更爲我等大衆稱說大士毘盧舍利菩薩往昔因緣尔時釋迦牟尼如來則告大迦葉大衆言吾當爲汝分別說之毘盧舍利菩薩乃於過往殃佞性沙微塵數阿僧祇劫久遠已前世時毘盧舍利菩薩值遇金剛五頂毗盧遮那五智尊五如來同時出世其時彼會中有一佛名曰不空成就如來又說過去往昔世時於妙幢世

界中又有佛出世號名毗盧遮那五智世尊五如來一時出世住於虛空金剛法界說虛空聖性令為一切有情證入本性涅槃自性相應安立聖智到於彼岸真如實性又於金剛法界內如是五佛如來同聲共說大乘瑜伽一切如來菩提聖性總攝一切法般若波

羅蜜多與茶羅金剛灌頂大教瑜珈授法王位金剛祕密三密門三十支三摩地聖性觀鼻殊室利菩薩為於上首教諸菩薩摩訶薩四部衆等及諸一切衆生善男子善女人等其時令諸人衆入此道場修持大乘授瑜珈金剛菩提三密門三十支三摩地聖性觀者得證三菩提金剛聖性大寂三昧再令菩薩勤行精進觀照心地真如實性證空無相無願法界一性三昧得入百千陀羅尼門百千金剛門百千三昧門百千解脫門悉皆具足當來得佛同成普見如來是故則當彼世之時爾時不空成就如來其時於大會衆中告

戊

廿

言大士鼻殊室利汝乃過往久遠已來親近世尊供養諸佛盡於虛空等於法界微塵數劫不可說劫佛刹之中見諸佛聞正法印爾時佛語鼻殊室利菩薩言善男子汝當與諸大菩薩摩訶薩四部衆等再請問毗盧遮那等五智尊金剛五頂五如來說演諸菩薩四部衆等證修心地入一切如來瑜珈金剛菩提三密門三摩地聖性觀云何修持得成就正覺無上菩提是時則鼻殊室利菩薩承佛聖智與諸大菩薩四部衆等為於上首同共啓問毗盧遮那等五智尊五如來共同演說瑜珈祕密金剛法門云何修證諸大菩薩及諸四部衆等修學證入一切法如來大乘瑜珈金剛三摩地聖性觀者是時則毗盧遮那五智尊五如來同聲共說告言語大士鼻殊室利菩薩善男子但有一切衆生及大菩薩摩訶薩四部弟子等深信此教瑜伽金剛菩提祕密三摩地法者是人諦受應當棄捨國

城妻子不惜身命爲求無上正等菩提者則得證入此如來瑜伽金剛菩提祕密三摩地聖性觀則得速達本源自性空淨金剛聖性得成佛果無上正等菩提是時釋迦牟尼如來則自說過去往昔大士毘殊室利菩薩同時值遇金剛五頂五智尊五如來出世之時

文五十五

釋迦牟尼如來其時五世尊中示現出世爲佛名曰不空成就如來說大士毘殊室利菩薩授五智尊五如來金剛菩提三密門三摩地教轉授與一切衆生修行菩薩道其行廣大其願無邊出生一切菩薩大願功德無有休息爾時毘殊室利常爲無量百千萬億微

塵數世界諸佛如來爲母亦常爲無量百千萬億微塵數那由他菩薩而爲導首說不可盡無上菩提法門與諸菩薩爲師教化成就一切衆生令證三密菩提出於三世大士毘殊菩薩廣度有情心等虛空無有休歇名稱普聞十方世界常於一切微塵微塵號伽沙

乘瑜伽三摩地教今毘殊室利菩薩傳授此教世尊告言汝當爲首紹隆此教瑜伽三密門三摩地觀傳授與諸大菩薩摩訶薩四部衆等善男子善女人若入得此瑜伽三密門三十支金剛菩提三昧三摩地觀者則得速超解脫證無上正等菩提當得成佛尔時釋迦牟尼如來告毘殊室利言善男子汝當善聽吾當重爲與汝大衆分別解說且待須臾說諸菩薩自當有證如來則說往昔過去出時有佛名爲毗婆尸如來出世之時諸菩薩等學此教法瑜伽祕密如來說已忽然則有一千百億世界金色佛刹號伽沙菩薩出現而

數諸佛衆中爲說法師得令一切如來之所讚歎住甚深智能以實見知如法性於空無相一切諸法通達無礙以無所得解脫究竟於是同心普賢菩薩所行諸行悉皆已辦是故尔時釋迦牟尼如來於此大會衆中則當付囑大士毘殊室利菩薩五智尊五如來大

作證明是故諸大菩薩等各各自說修持瑜伽金剛三密門三摩地教法證無上菩提則是時諸大菩薩等言得遇值舅殊室利引接於我今發阿耨多羅三藐三菩提心修行瑜伽金剛祕密得成正覺是故一切菩薩衆則當出現共證此瑜伽三密門教其時世界當

文五

文六

時有一國大王名曰淨目天子於此國內常行正法理化於人其王當出之時得值遇灌頂大師說此瑜伽三密三摩地教聞此教已遂即便發無上正等菩提之心登時國大王淨目天子當時國內勦旨天下處處令諸沙門建立此三密門三摩地灌頂授法道場便立道場每年經于百日修念行道其王宮中亦當起造授法道場則阿闍梨教主授法導師當與天王灌頂王當後便修學瑜伽聖教三密菩提金剛聖性盡生不歇乃後應時有感諸佛護念萬國來朝令國界清寧萬姓安樂登時王當受福漸漸於後淨目天子得延

年益壽五百餘歲漸次修學得證五波羅蜜成就四智菩提六根清淨悉皆具足後便得遇諸佛如來世世親近王當供養承事無空過者速當成佛得證菩提是時釋迦如來則於大衆中告大士舅殊室利菩薩言善男子若有諸大菩薩摩訶薩四部衆等發大菩提心不惜軀命當以信根真實爲求無上菩提者則得入此瑜伽大教金剛三密三十支三摩地祕密聖性觀是故釋迦如來言若有菩薩當建道場者先當揀擇殊勝之處穿深一丈無諸瓦礫骨石炭木及諸惡物堪爲道場者則向大嚴淨之地應當建立方等安置大

文五

文七

舅茶羅灌頂授法道場是時釋迦牟尼如來告舅殊室利言善男子世世若有衆生發廣弘願能造此舅茶羅灌頂授法三摩地道場者其人福德量等法界福如虛空無有盡期不可稱量不可稱計余時若有國王王子及諸后妃公主宮人綵女等能與建立此清

淨大道場者今國土安寧王當長壽妃后延年萬方投化人民安樂風雨順時是故若有大臣能興建此道場者福命長遠常得清吉於國忠孝國安人樂轉轉興泰福不唐捐是時佛告曼殊室利諸大菩薩摩訶薩等若有一切衆生遇此瑜伽三密門三摩地教者乃於過去往昔無量微塵數佛刹中曾供養無數諸佛則得遇此如來瑜伽大教三密門三摩地聖性觀及得遇值授法阿闍黎生生世世學此大乘瑜伽教法速當成佛疾證無上正等菩提是故諸大菩薩摩訶薩四部衆等則當志求勤學精進實勿退轉應當諦信諦

信發大誓願習學此教是時大衆諸大菩薩摩訶薩及諸聲聞緣覺諸天龍王八部鬼神四部弟子善男子善女人等咸皆歡喜歎未曾有法信受奉行尔時大衆等心皆喜悅更請大士曼殊室利菩薩今對大會如來世尊前再重請說來劫末法世時修何教法曼殊室利言再三辭退對如來前我不敢自說復願諸人衆同請如來爲大衆等說於後世末劫之時於像法末劫之中爲何教法而廣度衆生及諸菩薩尔時釋迦如來告曼殊室利及諸大衆等吾今當爲演說分別如來在世運度衆生遇著世尊功德無比是名殊特最勝福田佛語曼殊室利善男子如來在日有福之人乃能遇佛如來滅後薄福之人不可得遇是故世尊告曼殊室利言若有一切衆生得如來授正法教者佛有十種威德有畏有敬作希求之心難遭之想如此人者授得教法必證無上正等菩提何以故如來住世

一切有情業力最勝與諸衆生及諸菩薩四部衆等授教法者一一皆證菩薩佛地無上菩提四聖道果若是如來滅後薄福之人實難值佛於末法之中若欲授如來大乘正教法者須遇大師授法阿闍黎是名次補佛處紹隆我教修習大乘瑜伽祕密金剛菩提是

故則令建立殊勝道場於道場中安立本尊如來形像及諸本尊菩薩形像一似世尊如佛在日授其正法是故阿闍梨於道場內與一切衆生及諸菩薩大乘人者四部衆等如佛在時依法授教入瑜珈三密三十支金剛三摩地祕密菩提聖性觀者是故諸菩薩等

及四部弟子比丘比丘尼優婆塞優婆夷善男子善女人若能志誠親授教已切須久乃堅持修習金剛正法如來祕密法藏是故則名如來弟子得授法已勤行精進六時不闕行道念誦則須傳授導引衆生一一付囑與深信善解大乘瑜伽三密三十支三摩地觀

祕密教法者阿闍梨亦復轉須接引衆生四部衆等令歸大乘祕密瑜伽三十密門三摩地則令一切衆生速達本源證自性清淨瑜伽祕密金剛菩提一性成道是人疾證阿耨多羅三藐三菩提故

是時大會衆等諸大菩薩聲聞緣覺及諸天

十九末

龍鬼神四部衆等比丘比丘尼優婆塞優婆夷今阿闍梨若與學教人欲授法者先須密授教旨三十觀門其金剛菩提法觀者在瑜珈祕密三摩地如來聖性品中是故一切大衆諸大菩薩一切衆生修學如來聖性觀行祕教者殷勤三請阿闍梨於大晏茶羅清淨

道場內准教結印口授祕契三密三十觀門者不應顯露唯當密授若是不依如來言教稱提顯露者不得聖力潛通佛智加被則被魔蔽障所修聖行不可得道尔時大衆聞佛所說咸皆歡喜大衆渴仰信受奉行

大乘瑜伽曼殊千臂千鉢經卷第五

义五

大乘瑜伽金剛性海曼殊室利臂千鉢經卷第六

真言等三藏沙門大廣智不空奉

詔譯

义六

尔時釋迦如來當與大衆一切諸大菩薩摩訶薩埵次第則說如來金剛聖性平等觀門第三云何次第得入平等門一者入跛字觀本真無染著離垢義寶生如來說法界真如